



«Mottakernavn»  
«Adresse»  
«Postnr» «Poststed»  
«Kontakt»

Saksbehandlar, innvalstelefon

Magnus Johan Steinsvåg, 5557 2325

## Oppstart av supplerande vern av Leiro på Huglo i Stord kommune

Vi melder oppstart av supplerande vern av gruntvassområdet Leiro i Stord kommune, jf. naturmangfaldlova § 42 og kapittel V.

Det samla arealet er på om lag 125 dekar og består av eit gruntvassområde med nasjonalt viktige naturførekomstar. For å informere lokalt om verneframlegget inviterer vi til ope informasjonsmøte allereie tysdag den 5. mars. Frist for uttale er 12. april 2024.

### Nasjonalt oppdrag

Verneframlegget er ein del av det nasjonale oppdraget «Bevaring av verdifull natur» som omfattar oppretting av tre nye nasjonalparkar og 22 mindre område i Vestland. Eitt av desse er Leiro på Huglo i Stord. Parallelt med dette sender vi ut oppstartsmelding for Sævarhagsvikjo og Hovaneset i Stord.

Føremålet med vern av Leiro vil vere å ta vare på trua, sjeldan og sårbar natur, jf. naturmangfaldlova § 37 a.

### Trua og sårbar natur

Leiro på Huglo er ei stor, langgrunn strand omgjeven av noko skog og dyrka mark. Gruntvassområdet er viktig både som hekkeområde for fugl, og som rasteplass for blant anna vadefuglar på trekk. Området er særleg viktig for det sterkt trua dvergålegraset. Dvergålegras er ein av få artar som har fått status gjennom naturmangfaldlova som prioritert art i Noreg, og det er i dag berre 4 kjente lokalitetar der vi finn arten i Vestland fylke. Lokaliteten på Leiro på Huglo er den viktigaste og mest stabile av desse, med jamt tette bestand av dvergålegras.

### Lite verna frå før

Større gruntvassområde er i liten grad tatt vare på gjennom vern frå før, og er ein sjeldan naturtype i Vestland. I tillegg til det sterkt trua dvergålegrase er det mange andre artar som er avhengig av slike areal som leveområde.

### Naturkrise også i Vestland

Globalt, så vel som lokalt i Vestland står vi over for ei naturkrise like alvorleg som klimakrisa. Tap av natur til utbygging er den viktigaste enkeltårsaka. Områdevern sikrar at viktig natur ikkje blir øydelagt, og er difor eit av våre viktigaste verktøy i møte med naturkrisa.



Områda som no verneoppdraget for Vestland, skal bidra til å dekke manglane i eksisterande verneplanar. Ved å bevare desse områda som dei er, kan dei bidra til at vi når dei nasjonale måla om bevaring av eit representativt utval av norsk natur for kommande generasjonar og om å ta vare på trua artar og naturtypar.

### **Vern av skog**

Vi er i dialog med to grunneigarar ved Leiro som samla eig om lag 5 dekar skog innafor verneframlegget. Vi har også samtale med skogeigarforeiningane AT Skog og Norskog. Skog er ein arealtype som er i særstilling og der alt vern skjer etter ordninga frivillig skogvern. Det gjer at vern av skog i samband med dette oppdraget også skal vere frivillig. Eigar kan takke nei til vern av skogarealet seinare i prosessen om ein ønskjer det, då vil skogarealet ikkje bli tatt med i vidare arbeid. Arealet er ikkje kartlagt, men ut frå foto ser det ut til å utgjere ein saltpåverka svartorstrandskog som er lista som nær trua naturtype.

### **Planstatus**

Basert på forslag til avgrensing av verneframlegget, er arealføremålet i kommuneplanen sin arealdel er i hovudsak natur og friluftsområde som «kombinert føremål i sjø og vassdrag med eller utan tilhøyrande strandsone». Dette arealføremålet har tilhøyrande omsynssone «bevaring naturmiljø». Området grensar til dyrka mark i nord med føremålet LNRF areal for nødvendige tiltak for landbruk og gardstilknytta næringsverksemd basert på garden sitt ressursgrunnlag.

### **Dialog om kandidatområda**

Statsforvaltaren arrangerte eit felles informasjonsmøte med alle kommunane som husar kandidatområde for vern den 28. april 2023. Sakshandsamar hos oss informerte og om oppdraget til utval for plan og utvikling 29. juni 2023. Etter det vart det sendt brev med orientering av oppdraget til grunneigarane 10. oktober 2023. Det har vore løpande dialog med kontaktperson i kommunen om oppdraget.

Med bakgrunn den dialogen vi har hatt med Stord kommune, vurderer vi området er klart for formell oppstart av vernearbeid.

### **Konsekvensar ved vern**

Føremålet med vernet er å ta vare på dei viktige naturkvalitetane. Det vil seie at det ikkje vil vere mogleg med ny utbygging eller aktivitetar som kan skade verneverdiane innafor området.

På grunn av at ein sentral del av føremålet med vernet vil vere å sikra viktig raste - og hekkeområde for fugl, ønskjer vi ikkje at det skal vere ope for jakt i verneområdet. Det har heller ikkje vore vanleg i tilsvarende område ved tidlegare verneplanar.

Ut over det vil det ikkje vere ferdslerestriksjonar. Køyring på traktorveg vil vere tillate knytt til landbruksdrift. Andre aktivitetar vil vi kunne gje løyve til etter nærare dialog med søkjar. Det kan til dømes vere å halde ved like grøfter knytt til dyrka mark, motorferdsle til andre nødvendige føremål og tiltak knytt til kulturminne.

### **Erstatning**

Grunneigarar og rettshavarar har rett til erstatning frå staten for økonomisk tap når eit vern medfører ei vanskeliggjering av igangverande bruk etter naturmangfaldlova § 50. Grunneigar vil ha ein frist på fire månader etter vernevedtaket til å fremje skriftleg krav om erstatning til Miljødirektoratet, jf. naturmangfaldlova § 51. Då er det Miljødirektoratet som har ansvaret for å sørgje for at det vert gjort erstatningsvurdering for grunneigar.

### **Vidare prosess**

Etter denne oppstartsmeldinga vil vi gå gjennom alle innkomne innspel. Då vil vi også vurdere om det er trong for å korrigeringar i verneframlegget med bakgrunn i innspela. Neste etappe i verneprosessen vil vere høyring. Då vil vi presentere eit oppdatert verneforslag som også inkluderer utkast til vernereglar og oppdatert vernekart.



### **Ope informasjonsmøte tysdag 5. mars**

I samband med start av vernearbeid ønskjer vi å invitere til ope informasjonsmøte tysdag den 5. mars frå kl 18.00 på Samhald på Rommetveit. Møtet vil også omfatta start av vernearbeid for Sævarhagsvikjo og Hovaneset i Stord.

Det gjev oss høve å betre informera om kvifor vi ønskjer å verna dette området, og svare på spørsmål. Vi håpar også å få meir informasjon frå de som er lokalkjente om bruken av området og tips om det er lokale interesser eller tema vi må greie ut nærare.

### **Frist for uttale er 12. april 2024**

Du kan også finne meir informasjon om arbeidet på nettstaden vår under «høyringar» ved å følgje denne adressa: <https://www.statsforvalteren.no/nn/vestland/hoyringar/>

Du kan også lese meir om [oppdraget om supplerande vern her](#) og sjå meir nøyaktige digitale kartskisser og [bilete frå alle dei andre kandidatområda i Vestland](#), og bakgrunnsdokument for dette oppdraget vårt.

Frist for å koma med uttale til denne oppstartsmeldinga er 12. april 2024. Det vil også vere høve for å kome med uttale etter høyringa seinare i verneprosessen.

Dersom det er ytterlegare spørsmål kan ein ta direkte kontakt med sakshandsamar på e-post [magnus.steinsvag@statsforvaltaren.no](mailto:magnus.steinsvag@statsforvaltaren.no) eller telefon 55 57 23 25.

Adresselista til dette brevet er invitasjonen er henta ut frå eigedomsregisteret. Dersom de finn feil eller manglar ved adresselista sett vi stor pris på å få attendemelding om det. Det er viktig for oss å nå ut til alle grunneigarane med informasjon.

Med helsing

Kjell Kvingedal  
miljødirektør

Eline Orheim  
seksjonsleiar

*Dokumentet er elektronisk godkjent*

Vedlegg:

1

Forslag Vernekart

Kopi: Miljødirektoratet



## Mottakarliste:

Kommunal- og moderniseringsdepartementet  
Fiskeridirektoratet  
Norges vassdrags- og energidirektorat - NVE  
Landbruksdirektoratet  
Direktoratet for mineralforvaltning med  
Bergmesteren for Svalbard  
Vestland fylkeskommune  
Luftfartstilsynet  
Forsvarsbygg  
Avinor  
Kystverket  
NTNU  
Høgskulen på Vestlandet  
Norsk institutt for bioøkonomi  
Forum for Natur og Friluftsliv i Hordaland v/  
Bergen Turlag  
Det norske skogselskap  
Den Norske Turistforening  
Forum for Natur og Friluftsliv i Sogn og  
Fjordane  
Fiskeri- og Havbruksnæringens Landsforening  
Fortidsminneforeningen  
Friluftslivets Fellesorganisasjon  
Friluftsrådenes Landsforbund  
Havforskningsinstituttet  
Norsk institutt for naturforskning  
KS - Kommunesektorens organisasjon  
Natur og ungdom  
NHO Reiseliv  
Norges Bondelag  
Norges Dykkeforbund  
Sør-Norges Fiskarlag  
Norges Jeger- og Fiskerforbund  
Norges Geologiske Undersøkelse  
Norges Handikapforbund  
Norges Kystfiskarlag  
Norges Miljøvernforbund  
Norges Naturvernforbund  
Norges Orienteringsforbund  
Norges Skogeierforbund  
Norsk Biologforening  
Norsk Bergindustri  
Norsk Bonde- og Småbrukarlag  
Norsk Botanisk Forening  
Norsk Industri  
Norsk Organisasjon for Terrengsykling NOTS  
Norsk Ornitologisk Forening



Norsk Sau og Geit  
Norskog  
Norsk Zoologisk Forening  
Sabima  
Statens Kartverk  
Statkraft SF  
Statnett SF  
Universitetet i Bergen  
Universitetet i Tromsø - Norges arktiske universitet  
WWF Verdens naturfond  
Naturhistorisk museum  
Norges Miljø- og Biovitenskapelige Universitet  
Vegdirektoratet  
Stadnamntenesta på Vestlandet  
BØMLO OG STORD BONDE OG SMÅBRUKARLAG  
STORD SAU OG GEIT  
BIRDLIFE NORGE - SUNNHORDLAND LOKALLAG  
HØGSKULEN PÅ VESTLANDET  
SUNHORDLAND BOTANISKE FORENING  
STORD SOGELAG  
STORD-FITJAR TURLAG  
STORDØY JEGER- OG FISKARLAG  
STORD KOMMUNE  
Stord Bondelag  
HUGLO BYGDELAG  
HUGLO BONDELAG  
Leif Nordtveit  
Anna Sigrid Tveit Brandvik  
Wenche Fjellandsbø  
Gudbjørg Sylvi Grønsdal  
Øyvind Huglen  
Øystein Huglen  
Samson Huglen  
Leif Nordtveit